



Inatsisartuni ilaasortaq, Gerhardt Petersen, Atassut

Apeqquut nr. 106-imiittunut akissutit – inuussutissarsiornermik siuarsaaneq

Inatsisartut suleriaasianni § 37, imm. 1 naapertorlugu inuussutissarsiornermik siuarsaannermut tunngatillugu Naalakkersuisunut apeqqutinik saqqummiussaqaarsimavutit. Apeqqutit suliaasaqarfignanni akineqartussanngorlugit innersuutaapput.

Apeqquut:

- 1) Suliffeqarfiit qassit ukiuni kingullerni marlunni aallartinneqarpat?

Akissut:

GER-imi nalunaarsuiffimmit paasissutissat tunngavigalugit maannakkut 2012-imi inatsisit malillugit ingerlatsiviit 579-it nalunaarsugaasimameri, aamma 2013-imi maannakkut inatsisit malillugit ingerlatsiviit 547-t nalunaarsugaasimameri oqaatigineqarsinnaavoq. Tassaapput nunami inuussutissarsiuutit, imarsiornermik tunngaveqartumik inuussutissarsiuutit, peqatigiiffiit, nunanit allanit ingerlatseqatigiiffiit il.il.

Apeqquut:

- 2) Taperseeriaatsit tassaniittut aqutigalugit suliffiit qassit suliffeqarfiit aallartinneqarpat?

Akissut:

Taperseeriaatsit tassaniittut aqutigalugit suliffeqarfiit pilersinneqarsimasut amerlassusii naatsorsoruminaapput, tassa taperseeriaatsimi sulisoqannermut tapiisoqartanngimmat.

Nunami inuussutissarsiuutinut tunngatillugu inuussutissarsiornermik siuarsaaneq pillugu Inatsisartut inatsisaat nr. 20, 3. december 2012- imeersumi kapitali 1-imi nalunaarsugaavoq:

§ 1. Aningaasanik immikkoortitsineqassaaq inuussutissarsiornermi pilersaarutinut inuiaqatigiit aningaasarsiorneranni iluaqusiisinnaasutut nalilerneqartunut, assersuutigalugu tunisassiorneruneramik suliffissanillu amerlanerulersitsinernik kinguneqartut, tapiisuteqarfigineqarnissaat siunertaralugu tapiissutitigut aaqqiissutinik aningaasalersuisus-sanik.

Imm. 2. Ingerlatsineranut nammineranut tapiissuteqartoqarsinnaanngilaq.

Taamaalilluni inatsit qulaani pineqartoq najoqqutaralugu inuussutissarsiuutinut tapiisuteqarnikkut anguniagaq tassaavoq inuiaqatigiinni aningaasaqarnikkut iluanaarutinik kinguneqartussanik suliarisanik annertusisanik pilersitsinissaq siunertaralugu

02. juni 2014
Sagsnr. 2014-100473
Dok. Nr. 1594489

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.naalakkersuisut.gl

inuussutissarsiornerup nukittorsarnissaa.

Konto pingaarnermi 64.10.17-imi, Nunami inuussutissarsiutinut takornariartitsinermullu tapiissutit annertunerpaartaat sullissinermik isumaqatigiissutitigut suliffeqarfinnut inuussutissarsiutinik ineriartortitsinermut, takornarialerisunut nunamilu suliffinnut siunnersuisutut pingaarnertut ingerlatsisunut atorneqartarput.

Taakkua saniatigut ukiuni marlunni kingullerni inuussutissarsiutinik ineriartortitsisunut katillugit 112-inik kittaartakkanik tunniussisoqarpoq. Suliffeqarfiit 37t tunisassianik ineriartortitsinermut tapiissutinik tigusaqarput, taakkualu suliffeqarfiup suliaqarneruleraneranut ikiuutaapput.

Apeqqut:

3) Nunatta karsiata aningaasaleeqataaffigisaanik taperseeriaatsit pillugit matumani ujartorneqartut saniatigut Naalakkersuisut paasissutissanik allanik periarfissaq iluatsillugu immikkut saqqummiussaqaarusuppat?

Akissut:

Kittaartagaq nunap ilaanut 2012-imut aamma 2013-imut agguataarlugu, kittaartagaq aallartitaqartuni pilersitsinialersuni kukkunersuisartutut, inatsisilerituutut il.il. inuussutissarsiutigalugu siunnersorneqarnissamut qinnuteqaatigineqarsinnaavoq.

Nunap ilaa	2013		2012
	Kitt. amerl.	Tapiissutit kr.	Kitt. amerl.
Qaasuitsup	11	132.000	4
Qeqqata	13	156.000	10
Sermersooq	28	331.000	31
Kujalleq	6	72.000	8
	Amerl. 58	<u>691.000</u>	54

2012-imi aamma 2013-imi tunisassianik ineriartortitsineq nunap ilaanut agguataarlugu

Tunisassianik ineriartortitsineq suliffeqarfinnit tunisanik, sanaartuiffinnik ineriartortitserusuttunik, imminermik ussassaarutiginiartunit il.il. qinnuteqaatigineqarsinnaavoq. Suliffeqarfinnik pioreersunik unammillertitsinariani qinnuteqaatit nutaarsiassartaqarnissaat pillugit piumasaqaateqartoqarpoq. Aningaasartuutit uppernarsarneqartut affai (50 %-ii) tikillugit tapiissuteqartoqarsinnaavoq, taamaattorli annertunerpaamik kr. 300.000-inik.


Nunap ilaa	2013		2012	
	Suliniutit amerl.	Tapiissutit kr.	Suliniutit amerl.	Tapiissutit kr.
Qaasuitsup	3	225.917	5	543.740
Qeqqata	4	358.802	2	308.020
Sermersooq	11	1.071.914	4	292.263
Kujalleq	6	539.044	2	68.973
	Amerl. 24	<u>2.270.422</u>	13	<u>1.212.996</u>

Aammattaaq konto pingaarneq 64.10.17, Nunami inuussutissarsiutinut takornariartitsinermullu tapiissutini sullissinissamik isumaqatigiissutaasunut aningaasanik immikkoortitsisoqarpoq. Naalakkersuisut maannakkut makkuninnga sullissinissamik isumaqatigiissuteqarput:

- Visit Greenland – pingaarnertut siunertaa tassaavoq takornariartitsinermik inuussutissarsiutip pilerisaarutigalugulu ineriartortinnera. Sullissinissamik isumaqatigiissummut aningaasat kr. 15.511.000-iupput. Taakkunannga 1.600.000 sanalukkanik aamma misigisaqartitsiniarluni industriimik ineriartortitsinermut.
- Greenland Business – pingaarnertut siunertaa tassaalluni aallartisaasarnermik siuarsaanissaq, kiisalu inuussutissarsiornermik siuarsaanermut aaqqiisutaasunik aqutsinissaq. Sullissinissamik isumaqatigiissummut aningaasat kr. 7.649.000-iupput.
- Greenland Petroleum Services – sullissinissamik isumaqatigiissut aatsitassanik suliffissuaqarfimmik pilersuisooqataasutut isumaqatigiissuteqarnissamik kissaateqartunik nunatsinni suliffeqarfinnik piginnaangorsaanermik sammisaqarluni. Sullissinissamik isumaqatigiissummut aningaasat kr. 4.000.000-iupput.

Inussiarnersumik inuulluaqqusillunga

Med venlig hilsen



Jens-Erik Kirkegaard